

# Verootmoedigings gebed

Gebed tot VADER oor die herstel van dié Koninkryk

"O"YHUUH, grote en gedugte Heerser van die hemel, wat die verbond en U goedertierenheid hou vir die wat U liefhet en U gebooie onderhou op aarde.

In verootmoediging bring ons U eens uitverkore volk voor U ons verootmoediging. Laat U oor tog opmerkzaam en U oë oop wees, om te luister na die gebede van U volk wat vandag voor U aangesig deur die geloof 'n gebed plaas. Ja, die Israel – volk, die verstrooide volk anderkant die riviere van Kus; Suid Afrika, U knegte, o YHUUH. So het ek en my familie ook gruwelik teen U gerebelleer.

Ons het baie verkeerd gehandel teenoor U, en ons het die gebooie en insettinge en verordeninge wat U aan Moses, U kneg, beveel het nie gehou nie. Ons het U aangesien en verkleineer as 'n "drie enige Magtige" en weet dit was verkeerd. Ons erken U nou as die Seun van, die Oue van Dae, "die VADER". "O" YHUUH, U is die Magtige Een oor alle geeste. Ons het U in Baäl name aangespreek en weet nou dat dit U toornig maak. Ons voorvaders wou 'n aardse heerser gehad het soos die heidene, en wat U ontstig het.

Ons het tot daardie oortredings besef gekom; dink tog aan die woord wat U aan Moses, U kneg, beveel het, naamlik: As julle ontrou is, sal Ek julle onder die volke verstrooi; maar as julle jul tot My bekeer en My gebooie onderhou en dit doen—al was julle verjaagdes aan die einde van die hemel, dan sal Ek hulle daarvandaan versamel en hulle bring na die plek wat Ek verkies het om My Naam daar te laat woon.

Ons is skuldig aan oortredinge, ja, gruwelik het ons oortree, verkeerd het ons gedoen, boos het ons gehandel, in opstand gekom en van U Gebooie en Verordeninge afgewyk. Ons was halsstarrig en nie geluister na U knegte wat in U Naam gespreek het tot ons en ons vaders nie, en so ook die hele volk van die land nie.

Aan U "o" VADER, kom die eer en geregtigheid toe, maar aan ons beskaming van die aangesig soos dit vandag is; Ja, die wat naby en die wat vër is in al die lande waarheen U hulle verdryf het oor hulle ontrouheid wat hulle teen U begaan het. VADER aan ons kom toe beskaming van die aangesig, aan ons owerstes en aan ons vaders, omdat ons U Wette geminag het.

Ons vra met smeking o VADER U Seun wie U spoedig as Regter, Heerser en Koning op hierdie aarde moet kom vestig. Want by U, VADER, onse VADER, is barmhartigheid en vergewing, want ons het teen U en U Seun opgestaan en na die stem van YAHUSHA U Gesalfde, onse Magtige, nie geluister om te wandel in U Wette wat U ons deur die diens van U knegte, die profete, voorgehou het nie.

Maar die hele Israel het U Wet oortree en afgewyk deurdad hulle nie na U stem in YAHUSHA geluister het nie. Hulle het 'n aardse heersers gesoek en U teleurgestel; daarom is die vloek en die eed om te vernietig oor ons uitgestort wat geskrywe is in die wet van Moses, U kneg.

Ons het teen U "o" VADER, en U Seun YAHUSHA Wetsoortreders geword. Daarom soos in die Wet van Moses geskrywe is, "al hierdie ongunstighede" het oor ons gekom, en ons het die aangesig van U VADER en onse VADER nie om U guns gesmeek deur ons te bekeer van ons ongeregthede en Wetteloosheid nie en nie ag te gee op U Waarheid nie.

Met diepe ootmoed staan ons voor U, o VADER, met smeekgebed dat U, U Seun sal toelaat dat Hy Sy ereplek sal kom inneem; dat YAHUSHA dié Gesalfde sal terug kom as YHUH ons Koning en ons ewiglik sal kom heers en dat Hy op Sy Troon kan kom sit om oor ons te kan kom regeer.

U was wakker oor die onreinheid, om dit oor ons te bring; U onse VADER is regverdig by al U werke wat U doen, maar ons het nie na YAHUSHA se stem geluister nie.

O VADER, ons smee en pleit by U om ons gebed te verhoor; laat vir U 'n nageslag in hierdie deel van Suiderland, moet tog nie al die geroepe Israeliëte, U uitverkore, vernietig en die stuk aarde wat U aan hulle toegestaan het, sonder inwoners nie. O VADER, laat tog volgens al U geregtigheid, U toorn, en U grimmigheid versag van hierdie land en diegene van U gewyde afgesonderde volk, wat tot erkenning van oortredinge van ons vaders ingesien het.

U volk in die Suiderland het 'n voorwerp van versmading en veragting vir die wêreld geword. Die teenstanders verbly hulle in ons smaad, hulle vra: Waar is jou "sogenaamde Magtige EI" wat sal help? Merk tog op dat Satans werkers en handlangers ons wil vernietig!

Daarom hoor dan nou onse VADER na die gebed van U knegte en na hulle smeking, en laat ter wille van YAHUSHA U aangesig skyn oor U gewyde afgesonderdes; wie hulle bekeer en verootmoedig. O VADER hoor, en neig U oor ons belydenis en open U oë en aanskou ons verwoeste plekke en al die baie moorde, verkragtings en die wetteloosheid; die land waar U ongehoorsame volk woon, die volk wie U asseblief weer U Naam moet uitroep; want nie op grond van ons geregtigheid werp ons, ons smeking voor U aangesig neer nie, maar op grond van U grote Naam wie ons geminag het.

'O' YAHUSHA ons Meester, U het U VADER "ons VADER" se woord deurgegee; ons het dit deur die eeue geminag en daarom het U ons aan ons slegte gesindheid oorgegee, en waardeur die wêreld U uitverkorenes haat en uitgemoor het.

Dink daaraan dat dit U wil was dat U volk nie aan die wêreld verbonde of gelyk moes wees nie, maar dat U na U VADER heengegaan het om vir die getroues 'n plek in Sy hemel te berei, want U self gesê het: In die huis van My VADER is daar baie wonings.

Daarom kom ons in verootmoediging en pleit in smeking vandag voor U, o VADER, en is namens U volk op ons knieë. Ons is in nood daarom met groot begeerte smee ons dat U ons gebed sal verhoor; daarom VADER hoor, VADER vergeef! VADER, merk op en doen dit; O VADER vertoef tog nie om U grote Naam ontwil.

U is dié Almagtige "ons VADER" wat U Seun YAHUSHA moet stuur in U Naam "YHUH" ons Koning en regeerder. Die grote Naam wat ons geminag het, was tog oor U volk uitgeroep.

Kom YHUH Ewig – Lewende Magtige en werp die aards heersers met hulle trone in die buitenste duisternis. Ons soek nie meer aardse leiers nie, maar U, o Seun van die Allerhoogste

'n Uitroep na U o mees Getroue, Gewyde, Majestueuse, Magtige, Liefdevolle, Barmhartige, Regverdige en Ewig – lewende

Amein ja Amein! Halleluja !!